

唐縣志卷之七

山陰平鄣鼎纂修

人物志

忠貞
耆碩

孝行
文學

節烈
隱逸

義行
流寓

忠孝節義扶植倫彝好義達尊永昭儀範綱常風教之大繫焉若夫淹雅肥遯擇里處仁之哲彰彰耳目亦人物也高山在望仰止匪遙秉彝之好人固有同然也因列而備志之

忠貞

元

唐縣志

卷之七

人物下

一

馬旺唐之長秋人貞元間戍婺源為總管軍民元帥婺界萬山間時大寇盤踞旌旗湯野四方為之震動旺奮勇誓師曰吾不能救此一方民何以副朝廷委任之意乎乃挺身出戰殺賊數千力疲而死謚忠顯封其子聚為忠顯校尉葬長秋店進士江甯為作墓銘

明

王深澤彰德林縣人授唐邑諭崇禎壬午署縣事值闖賊攻城督民守禦賊百計不能下相持久之

以衆寡不敵城遂陷爲賊所執呵之跪深澤踞坐
日讀聖賢書所學何事吾頭可斷膝不可屈遂呼
李白成大罵賊怒三裂其屍而死生平耿介無私
司論時有以戚友之訟授之金謝曰明明在上吾
誰欺乎未幾寇日熾遣子歸養資斧不給圖書之
外無長物卒殉難士民哀之順治十年 巡撫李

檄取其實具 奏

譚聖言撫州臨川人任邑簿崇禎十四年流寇攻
城有促之避者聖言正色曰旣邀朝廷一命之榮

唐縣志

卷之七 人物下

二

食其祿而偷生非忠也棄守土而潛遁非義也不
忠不義何以生爲及城破爲賊所執神色不變從
容就死

蘭起龍陝西華州人任邑尉勇義任俠當流寇猖
獗時每留心備禦悉力弗懈迨城陷勢孤莫支爲
李自成執去挾之降露刃以待龍笑曰豈有從賊
命官耶至死不屈

王申錫唐右所武畧將軍忠義自矢勇畧過人移
鎮汝寧堡值流寇犯境申錫曰忘國全軀不義遇

敵避亂不武遂率兵出戰奮勇前擊身中三矢爲賊所殺

國朝

薛自成唐縣人任辰常鎮標中營都司從

王師南征被創陣亡順治十三年

恩賜 諭祭仍查嫡子廕襲

諭祭交日鞠躬盡瘁者臣子之芳踪卹死報勤者國家之盛典爾薛自成賦性忠直國爾忘身禦敵衝鋒被創殞命朕甚悼焉特頒牲醴用慰幽魂爾如

唐縣志

卷之七

人物下

三

有知尙其歆此

韓文煥應琦長子順治五年從父之江右任時賊衆復叛應琦出戰文煥與其弟文炳文煥皆被賊所執文煥罵賊曰

朝廷何負若等而反耶吾父受 國厚恩吾兄弟皆以死報分也决不向賊求生貽吾父羞誓爲厲鬼以殺賊耳同時被害至死不屈

劉恒心字惟能邑庠生素機警有膽畧明末寇亂起所在煽惑恒心教練鄉衆悉力備禦唐東南

半壁賴以保全順治三年奉

王命委任羅田縣縣丞時流寇餘黨數千掠羅田破之恒心毅然曰城不可破身不可降不屈而死死生之際固難言之矣時遭多艱而慷慨赴難從容就義者幾人哉范質欠一死馮道多一生千古而下不免詬詈者大道爲公性使之也邑有忠貞而不亟爲表彰何以媿天下後世之爲人臣而懷二心者

孝行

唐縣志

卷之七 人物下

四

漢

樊重字君雲湖陽人光武外祖也其先居仲山甫封於樊因以爲氏性至孝母常畏雷爲築石室以避之三世共財子孫朝夕禮敬常若公家善農桑課童隸各得其宜貲至巨萬而賑贍宗族恩加鄉閭邑中推爲三老以壽終後帝祀章陵過湖陽祀重墓追謚爲壽張敬侯

明

李擴以明經授州判陞任縣令素孝友不尚浮華

惟以事親爲志時薦牘屢上至以陳情請去嘗曰
親老矣幸爲清白吏不至污親他日徒悲風木子
心安乎遂掛冠歸養奉旨立孝行坊以旌之從祀
鄉賢

馬翰如字馳王邑庠生崇禎九年父爲賊所執翰
如奔赴賊壘請以身贖及賊殺其父號哭守屍不
去賊亦色動哀而食之不受縱之使歸翰如日父
死安歸與日罵賊亦被殺

張元良字明貞邑庠生性至孝父疾甚每夜焚香
告天願以身代誠懇備至及父卒朝夕悲號勺水
不入口以哀毀死人皆哀之

國朝

謝萬誠唐邑人父卒家貧不能殮與其妻張氏謀
賣氏得十五金悉置衣衾棺殮署郡事張公三異
廉得其實捐金贖還其妻順治十三年縣令吳瑛
異之獎其廬日賣妻葬父

丁衡世唐之大河屯人鄉居樸魯惟知孝養父卒
哀慕不忘結廬塋右負土爲墳朝夕悲思二年如

唐縣志

卷之七

人物下

五

一日人皆稱之

韓蘓唐邑人少失怙恃每鷄鳴時輒起焚香誦孝
菽之章悲號踴哭至老彌篤有欲舉其孝行於有
司者辭之曰逮養未能正滋罔極安忍以孝聞邑
人尤嘉其賢

孝本至性非爲名也而必錄其姓氏傳其行誼
不幾啟人以遂譽之途與然書記齊夔詩歌孺
慕千百世後猶令人感動興起而嘖嘖稱道弗
置不求名而名卒歸之何哉疇非人子可不隨

唐縣志

卷之七

人物下

六

分竭力永言維則也哉

節烈

明

趙氏邑庠生郭屏翰妻年十八屏翰早亡誓與同
死營葬畢遂自縊里人上其事建坊旌表

朱氏仝仲秋妻秋卒堅志自矢撫孤課讀凜若嚴
師嘉靖間建坊旌節

呂氏傳子言妻年十六夫卒矢節甘貧足不踰闕
外勸績自給奉養舅姑克盡孝敬萬曆二十九年

建坊旌表

項氏吳之龍妻年二十夫歿晝夜悲泣誓以身殉絕粒七日死邑令表其墓曰貞烈可風

宋氏年十三許字張姓未奠雁而張故女往予就靈幃前痛哭而死萬曆間旌表其門

宋氏監生金克立妻立早卒氏堅操撫孤萬曆間奉文旌姦子震娶朱氏亦早亡循姑遺行雖家徒四壁而誓守苦節歷久不移人稱之曰一門雙節

陳氏呂浩妻浩早歿氏剪髮毀容矢志堅守撫孤

唐縣志

卷之七

人物下

七

成立邑令表其門曰貞節之廬

張氏靖諫妻氏年二十三諫故水蘖自為其兄屢屢奪志堅矣不從孤兒撫忠甫三歲周防撫育事舅姑生養葬祭如禮歷四十六年會流寇亂不食死壽六十九瀕終謂其子若孫曰吾今而後可以報爾祖爾父於地下矣孫簪桂臻桂並以文學名邑令旌其閭曰栢質蘭馨

呂氏陳範妻範早亡誓節撫孤始終不渝里人高其節為白當事旌之

朱氏儒士謝紀妻紀亡矢志守貞誓曰生爲謝氏婦死爲謝氏鬼奉舅姑極盡孝養有司奏請建坊旌曰節孝

許氏曲從善妻夫早卒甘苦節育孤兒荆布操作三十年無怠色子耀極充弟子員娶王氏亦蚤亡王氏有遺孕撫之如其姑一門雙節脩歷艱辛聞者莫不歎息

王氏庠生蔡如蘭妻年二十二夫故欲與偕死子玉彬尚在襁褓咸慰解之因念夫後無託勉力鞠

唐縣志

卷之七

人物下

八

育備嘗荼苦終其身如一日

楊氏藍希聖妻希聖早歿清操矢志撫孤天錦成立里中聞于當事奏請建坊旌其門曰栢舟完節恤刑岳公鍾秀聞而義之贈以聯曰母節高千古皇恩播萬春

安氏趙應麟妻構家難爲賊陳蛟等所屠積屍填室氏以死許夫跪屬操刃者先斷已首令其夫生見之時有挑之者氏泣曰一家盡登鬼錄妾何忍緩死以貽夫羞且哭且誓曰賊速殺我遂殺之從

容無懼色

藍氏岸生高星元妻崇禎十三年流賊突至民皆竄避氏被執賊欲犯之誓死不從涕泣而罵伺其間奪刀自刎

王氏貢生全毓賢妻崇禎十四年闖賊攻唐賢奮不內顧同邑令矢志守禦城陷毓賢死之氏抱子號咷賊怒將之子尚在懷見者哀焉

朱氏趙天裕妻崇禎末城陣亡南陽民同妾哀慄徹天地日夫爲國死妾爲夫亡遂同縊死賊惡而

唐縣志

卷之七

人物下

九

焚之事平猶有雙影懸縊壁間見者異之

國朝

余氏 贈光祿大夫韓得信妻信早世氏守節訓孤冰霜白勵每稱未亡人輒聲與淚併二十餘年甘耐艱瘁子應琦仗策翊

運屢著奇績 贈淑人加 贈夫人

周氏延綏總戎韓應琦元配順治五年金聲桓叛據南昌琦奉檄出勦奮不內顧氏指所居訣曰此吾死所也已而賊至氏與妾曰氏及子文燠文炳

文煥同罵賊死男婦七十二口同時被害 贈淑
人加 贈夫人康熙元年奉

旨建坊旌表

侯氏庠生陳獻琳妻琳卒子方襁褓氏年二十堅
貞守志安貧不渝時人賢之

劉氏舉人曹鳳祖妻禎遭家難歿且乏嗣氏痛夫
不得其死芒節誓守每讀禎遺詩輒垂泣終日有
完節女士之稱

張氏庠生曲從聖妻年二十五聖卒子恂甫五歲

唐縣志

卷之七

人物下

十

氏居貧堅節撫孤採芹鄉人嘉之

王氏李汝賢妻年二十七夫亡不憚勤苦矢志完
貞雖外侮內變交起終不易其所守壽七十有九
卒進士焦榮爲文頌之

枝氏廩生申希臨妻年二十六夫卒子自天方八
歲撫孤課讀堅持志節及自天膺歲薦不遽就職
日以奉養不匱爲念嘗思其父罹厄南陽遇春霜
秋露子母對泣人皆哀之里中有是母是子節孝
終始之稱

崔氏鄭國元妻年二十而元卒矢節撫孤恒以忠
信儉勤陰行積德爲家訓子孫咸循矩度邑令旌
其門曰節操冰霜

趙氏庠生曲耀閻妻年二十四夫歿願相從于地
下以兩孤無恃矢節撫之旣而二子俱歿始終堅
守志不稍移無子而貞尤他人所難

李氏庠生宋觀大妻夫遭寇難氏無子有勸其再
醮者輒面詈之誓不改操

劉氏張承業妻業歿之日子尚行甫三歲氏盡瘁

唐縣志

卷之七

人物下

十一

撫孤貞操峻潔教子舉茂才以嗣南軒世系砥節
盟心里人至今稱之

韓氏庠生全景運妻年十六歸全踰年育子甫四
月夫故欲以死殉父應琦論以撫孤承祧乃甘茹
荼苦育子占恒成立以明經候選邑佐守節三十
六年卒康熙三十一年建坊旌表

韓氏生員方際泰妻泰早逝氏安於苦節儉勤課
子遺孤四克長克順克類克生皆以文學各人謂
節母之教愈於嚴師咸嘉予焉

夫人平居高言節烈莫不慷慨自期迨變故卒
起貪生敗檢貽笑後世者不少矣廼於巾幗之
中而冰雪其心松筠其操死生之際裁之以義
堅不可奪如此以視鬚眉丈夫覩顏求活者其
相去爲何如也闡潛德之幽光以維風教於斯
有重賴焉

義行

明

馬三近字化源邑羊生素孝友不以有無介意

唐縣志

卷之七

人物下

十三

友德薄江津俸餘所遺悉歸其兄三才衡茅蔬布
畢生無怨言子光祚任宣城令封文林郎

牛顯生平好義急公正統五年捐麥一千石運京
助餉詔旌其門給粟帛免差徭有碑記

趙思敬正德間劉六劉七寇河南率衆攻唐思敬
背城力戰斬賊渠白大王圍遂解

呂文昇萬曆二十一年歲荒民饑文昇捐糧一千
石送縣賑濟仍糾同志王好等七人各輸一千石
時號七義士俱奉旨旌表

王昉沉摯多善行萬曆二十一年捐穀一千石助餉上欲官之昉曰今邊用不足輸粟給軍分也敢貪賞乎不受旌爲善人

鞏純字淡庵尚義樂施見貧不能婚葬者傾囊助之掩枯骨活餓夫扶危恤孤多敦善行萬曆間捐金百兩修文昌祠咸稱其義

劉聖波字文瀾邑貢生志高尚樂施予闖賊踞西安時徵之不起及流寇陷唐城署縣事上深澤殉難無歸聖波爲具棺木以禮哭葬之輸守城糧一

百二十石錢二百緡又捐任屋一所建明倫堂邑義士也

趙奎光字射斗邑庠生性嚴毅有守剛方不屈流賊陷城誓死不從妻張氏抱女孫投水死奎光語其子曰汝曹當奮力以圖後効吾願爲厲鬼以滅此賊未幾父子相繼而歿人稱之曰是父是子節義兩全

周日琮字世美邑庠生闖賊之亂遜居雙山徵之不起迫以死終不屈臨卒見其左肱鑄有死不從

賊四字深入膚裏訪之家人皆不知也其志節高
潔人所莫及

方自許字欲軒襲武畧將軍素樂詩書敦孝友重
信義崇禎十四年歲大饑出所儲粟百石分餽鄉
黨全活甚衆

趙天裕崇禎辛巳流賊陷宛城裕矢志堅守奮不
顧身中炮幾危賊欲生之日死矣卽爲今日事臨
絕大呼曰隻身安能當百萬願爲厲鬼以殺賊遂
死

唐志

卷之七

人物下

古

王隆德邑庠生一日預上丁祭見奎星在荆棘中
惻然曰吾齊人業何事而忍文衡之司兵銅駝共
厄耶因撤所居樓房葺之

國朝

李文光同胞兄弟六人年甫十五父逝世光竭力
撫諸弟成立悉爲完娶產業概讓諸弟不爲已有
後季弟文耀夫婦早逝遺男李雍甫二歲撫養教
誨一如己子今登康熙甲子賢書中甲戌進士里
人咸高友于之風

王可太號履生明季寇亂歲饑盜多出沒民無所倚攜其家人相率歸太者數千人太竭力周恤人人惠濟之咸得生全

史正芳性友愛分甘讓肥出於至誠當兄弟析居日舍宇土田盡以美者歸其弟訓子佚日爭財市利構釁同氣非惟不友貽先人耻卽不孝也吾羞之爾曹盍勉焉

韓文煥號質庵應琦子襲甲喇章京性既尚氣節綽有父風康熙庚午冬歸葬比里有陵於強恭者

唐縣志

卷之七

人物下

十五

傾產不足將鬻其女煥力爲脫之父女遂得復聚聖人感高其義勒石以誌不朽

好義嫩行也悉公周急排難解紛義本于仁也奮力禦侮視死如歸義以爲節也均之二義也彼田仲郭解之徒籍邀結以爲聲援者似義而實非也尙義者其審諸

者碩

明

牛自然字樂天醇正謹厚有長者風由舉人任四

川馬湖司李引經斷獄郡無冤民解綬歸足不履
城市宗族間非吉而祀事亦罕見之屢與賓筵年
九十卒

曲從仁字明五直方自矢動必以禮慎取予重然
諾里中佻達子弟望見仁皆引去邑令延入賓筵
旌之日望隆烈實

呂仲信字恪軒由舉人兩任縣令風裁嚴峻慈惠
著聞解紆歸邑邑不言時事邑人仰其高風屢請
大賓固辭不往

唐縣志

卷之七

人物下

其

趙家棟字任弘初以廷試入都歸語人曰長安藕
絲孔耳豈能之眉丈夫遂絕意仕進而蹈自適

宗黨有訟者毋引論勸解雀角寢息邑令嘉其行
延與賓筵

章鹿鳴邑貢生幼攻舉子業安貧樂志不慕榮膺
素孝友恭儉士林重之

張毓奇任廣文淡泊寡營嘗曰博士有青氈稱弟
子師吏隱雖貧猶勝東方生索飽不得耳晚年廉
靜自安杜門絕俗人皆服其高曠

劉耀寰子辰輝天性和樂每接里黨一以善氣避
之遇輕汙少年輒避之出入皆敦禮度舉趾不苟
有古人風

王志忠性孝友於故舊尤加敦厚不苟言笑不輕
臧否不為炎涼向背所移邑中皆稱為獨行君子
杜誥持已端方課其子弟以敬祖睦族敦行為先
崇本務實人咸重之

呂應鏞字應鏞號為長者砥行慎言不道人過
家雖素封而布衣糲食安之如故以後靡相競

唐志

卷之七

人物下

十七

已公知其賢三與賓筵

法孜孜好善老而弗怠
恬退教子若孫以忠厚為

田自興性質直雖為阿諛之態里中貧乏者有叩
必應嘗日置人緩急於度外非情也分金結客有
鮑叔孟嘗之風公舉鄉賓

國朝

全毓賢字質之邑貢生剛直狷介取與然諾纖悉
必慎足跡不履公庭遇族黨讌會竟席無一語涉

時政得失嘗語人曰面諛人長背議人短人皆知其非而恒蹈之由其平日未嘗內自省也里有私曲者每相戒曰勿令全長者知制行端方一時重之

嘉言懿行善蓋一鄉稱以耆碩崇齒德也然必範俗如陳太丘持正如王彥方斯無媿於鄉評而可為後世法豈必乘下澤車騎款段馬遂足

文學

唐錄志

卷之七 人物下

十八

明

不求人知所
不
行無疵讀書但觀大意為善
非舉訂要麟經疑是
等書

王雲龍字升字由選貢任大寧令調知荔蒲縣皆以德威著其為學好讀先秦而漢書自命大儒不欲與帖括較勝命子曰儒蓋共志也遺稿為寇亂焚毀時人惜之

杜文燦字斗垣邑庠生博綜群書善操琴賦詩所

著有玉壺水續集也足軒詩稿

張元亮字懷貞歲貢生任汝寧訓署上蔡縣事廉潔自愛吏民懷之著有張子一家言

國朝

曲耀辰字天樞順治辛卯科中鄉試副榜學問淹雅為文務規先進居家孝友兄弟無間康熙六年
臨令田介補 志友集 次書辰校訂之力也

大之經天

竹一已之志

唐

十九

山鳳豈伊無

逸編猶在

東志也

才

隱逸

漢

嚴光字子陵新野人少與光武遊光武即位光變姓名而隱帝以物色訪之齊國上言有一男子披羊裘釣澤中帝疑是光乃備安車元纁三徵而後至車駕即日幸其館光臥不起帝即其臥所撫光

腹日咄咄子陵獨不可相助爲理耶光嘗應廣
著德巢父洗耳士固有志何相迫乎帝復引入光
論道如舊因其傲臥光以足加帝腹上明日太史
奏客星犯帝座帝笑曰朕與故人嚴子陵共臥耳
除諫議大夫不屈釣於富春山下以壽終於家今
唐邑西桐河之南有子陵釣臺

建興家世淵

少自學

著

內先後徵辟皆

守以師傅

唐

三

頃書每有會

昆陽亦有

見讀書處

讀東漢逸民傳猶覺清風披拂不禁慨焉慕之
觀其操作類皆枕石漱流超然物外者也陳風
有云泌之洋洋可以樂饑唐帶泌水而桐江釣
臺如故高尚之士出焉彼終南捷徑豈能有其
芳躅與

流寓

明

董應芳直隸人由武進士授南陽衛守備崇禎九年南陽郡邑土寇蜂起應芳率鄉兵千餘且勦且撫所向無敵後以任滿寄籍於唐時崔苻日熾芳教射練勇保禦一方人多賴之

國朝

王弘易原之 金倫沐寺 明末從寧南侯左良

朝定

八籍子忠授

唐

王

王簿何克

言之子如 不多力 精方術數堪輿願治

三年裁王簿缺遂家於唐

吳元字貞復江南徽州人弱冠遊豫以東垣學見知於唐令遂入籍補弟子員膺歲薦性甘恬淡年八旬口讀易有程寒暑不輟著有奇門解曆數初易諸書

鄧邦寧字泰徵順天文安人癸未武進士仕唐

右所千總捐置民房葺建公署立修理雉堞之
軍三民七保障有賴民安其業陞郎陽鎮都司以
唐風土淳厚因家焉

邵秉忠字憲思邦寧之子康熙癸卯舉人庚戌進
士授山東樂安令陞廣西賓州知州惻幅無華不
與流俗浮沉體父遺志仍家於唐

秉節 奇頌 非 溼去其鄉也偶動

載而下其

稱天封

唐

也

